

四庫全書

集部

欽定四庫全書

石倉歷代詩選卷三百七十三

明 曹學佺 編

明詩次集七

郭厘

登石室山

夙昔志幽尋閒來即登歷天清海上秋木落林間夕琴  
樽集華纓歌吟坐臺石醉歸覓前途暝巖起寒色

臺江宴集分得料字

滄洲趣不常青雲竟誰料綠酒不盡歡黃花向人笑逸  
興凌煙霞忘機狎鷗鳥此意誰與論秋聲動林表

宴得謙家

君家絕塵俗愛客開華筵飛觴對明月痛飲涼風前疎  
篁滴清露夜色寒娟娟此時固不樂別後應徒然酒酣  
忽浩蕩長嘯凌青煙

懷鳴秋先生之京

澄江晚悠悠離思杳難極西風鴻雁飛我憶鳴秋客遠  
樹帶餘暉前川起寒色即此待歸舟沙頭掃苔石

挹翠軒

幽軒多雅趣境靜絕浮埃樹色開簾入山光引幔來人  
閒啼鳥近風度落花回消盡塵中想彌深物外懷

送友人之京

況我悲寥落憐君又北遷春歸萬里外人去五雲邊塞  
柳迎征旆江花照別筵離情雜秋思分袂各悽然

春日登九華觀

樓臺三島外，鐘磬五雲端。  
入谷仙源迥，攀蘿鳥道難。  
泉聲丹竈冷，花影玉笙寒。  
坐覺天風起，神遊極渺漫。

和梅軒來韻

憐君得佳趣，芳樹掩衡門。  
對酒花成塢，題詩竹滿軒。  
湖光孤棹晚，山影半簾昏。  
後夜藤蘿月，相思入夢魂。

過陳氏園亭

高士園林好，巖扉畫不扃。  
絕勝陶令巷，猶是子雲亭。  
慢

卷飛泉白窗含遠岫青何時出塵想來此共談經

過黃希剛有作

知君情不淺攜我興何長獨下雲邊榻同斟月下觴秋  
吟看菊好夕飲醉粳香坐久忘歸去衣沾湖上霜

士琛家宴歸賦以贈之

我愛南湖客清風兩鬢絲久聞陶令趣長與遠公期醉  
倚花前石行吟竹外池葛巾仍不着日日掛東籬

謁真人宮

夕到真仙境清齋過竹房夢迴孤嶂月寒入一襟霜夜色神鼇起秋聲瑞鶴翔披衣不重寐縹緲識天香

奉和楚芳兄來韻

天上青雲迥湖邊白屋貧不嫌棲此地何幸接芳隣草閣頻邀月蘿衣豈負春吾兄讀書處還有問奇人

寄義嶼黃甥

沙頭孤鶴立吾命一絲牽伏枕仍春夏尋方廢簡編猗蘭山谷月老樹渭陽天伯也如相問頻過話昔年

暉上人獨坐亭

石逕通幽境巖亭古木深  
禪扉生晚翠羅幌掛秋陰  
止水空中性孤雲物外心  
澹然無一事殘月下東林

晚次樂鄉縣

浮生同逆旅擾擾幾時休  
雁影三湘夢猿聲五嶺愁  
異鄉那見月別路忽驚秋  
明發雲山路征車豈暫留

過高蓋定光菴

不過茲庵久行經自豁然  
江涵空外與月映坐來禪  
開



鑿非無地經營別有天  
定光光不滅長照一峰前

竹菴

高士何年賦考槃  
半菴脩竹帶飛湍  
窗迎嶰谷三春霽  
幔捲湘潭五月寒  
鶴立靜依青翡翠  
鳳吟曾上碧琅玕  
好期澹月涼雲夕  
曲盡瑤琴白雪彈

秋江別意

撫劍歌殘氣未降  
分攜相與倒銀缸  
雲山送目人千里  
物候驚心雁一雙  
殘日清吟投劍浦  
涼風倚醉過吳江

到家賸得山陰興月滿孤篷雪滿窗

題南臺周老商山水

中峰佳氣碧氤氳清製蘿衣慕隱君一曲鑑湖堪醉月  
半空盤谷可棲雲懸崖古木霜前落遠嶼餘霞鳥外分  
我欲相從賦歸去西山鸞鶴日為羣

送汝嘉之春官

官舍飛花拂玉盤官橋絲柳裊雕鞍百壺綠酒沙頭盡  
千里青雲馬上看夜月琴樽如故國春風環珮是長安

他時引對金鑾殿會見朝陽刷羽翰

春三月掃墳之作

青山兩屐草芊芊獨抱冲憂隔九泉  
古道殘春餘薤露空林斜日帶楓煙  
雲來隴樹啼猿外花落巖扃野鳥前  
歸去高堂情未極惠連相對益淒然

別克從先生文館

三載交遊賴故知澹雲涼月共襟期  
羣樽此夜能傾倒孤棹明朝又別離  
逸思不堪聞雁後含啼況復聽猿時

懸知岸幘狂吟日徙倚南山菊滿籬

和趙先生述懷

高風雅調憶誰彈獨抱瑤琴祇自嘆黃葉迥隨秋雨暝  
青山空掩暮雲寒沅湘日夕蘭堪采彭澤霜前菊可飡  
忽憶故人霄漢上題詩多寄別離難

洞江書室

雨止滄洲落木疎幽人隱處近何如遙峰挹翠千重暝  
積水涵光一鏡虛閉戶每懷孫敬宅垂帷應識董生居

相期無限歸來思擬向江皋共讀書

過黃山善敬家作

林塘十畝足幽棲物色風光總入題  
花落石床春不掃雨深蘿徑鳥頻啼  
閒邀墨客清如玉笑學山翁醉似泥  
幾度竹樓幽夢覺羨君池草碧萋萋

送黃思順之京

高步金門客青袍軼垢氛獨陳揚子賦  
老綴陸機文久忝通家好誰為落葉分  
秋前鴻鵠志天上鳳凰羣攬轡

閩關道彈冠岳水濱論文情款款離思又紛紛寒雁連  
秋雨涼蟬隔夕曛暫同歌白苧休憶醉紅裙握手舟堪  
泛看山酒未醺人分螺女月路指劍川雲戀闕寧沾臆  
披裘見樹勲好將三語妙應許九重聞別後泥金字江  
南每望君

挽鳴秋山人趙景哲

詞藻南州客生來跡類萍無家頻嘆別失路獨飄零旅  
席仍三載儒冠誤一經半生嗟舊業千古掩泉扃梁獄

書雖切秦堂怨未醒才華餘姓字河岳失英靈繞屋山  
猶碧沿池草自青空驚魂入夢那共醉忘形新隴徐生  
薦芳碑柳子銘臨風情默默涕泗想儀刑

驄馬朝天為林真侍御賦

神駿千金直亨衢萬里遨昔聞來渥水今見謁清朝錦  
控青絲絡銀韉碧玉雕風批雙耳峻雲傍五花飄驥德  
稱同美龍媒許並驕張綱迎遠道桓典候層霄月白金  
鑾殿天高彩鳳韶懸知端拜舞三祝獻唐堯

題蒲萄扇

裊裊拂虬髯  
離離懸馬乳  
曾傾銀甕香  
一博涼州史  
桂花鷓鴣鳥

香飄銀漢涼  
露濕羽毛冷  
漫笑一身微  
高樓廣寒影  
畫竹扇面

聲臨渭水清  
影拂湘潭碧  
瑤瑟曲未絕  
商飈坐來夕

春江送別

雲映粵王山  
色天涵螺女  
波光一曲驪  
歌未已飛花  
故



落離觴

題牛

鳥下南山已夕  
人間春草初齊  
為問上流何處  
白雲遙起前溪

青鋪嶺中作

陟嶺看山趣不稀  
歸心迢遞宛如飛  
家林想在空濛外  
一帶螺江隱翠微

小景

萬疊南山紫翠寒一江如練鏡中看  
女螺磯畔雲飛處風景令人憶謝端

送筆與林友

雅製瀟湘碧玉枝毫端文彩宛離離  
請君揮洒芸窗下會見蛟龍繞墨池

元宵後請羅讓畝

春裊花枝酒甕香懷人幾度結愁腸  
冶城此夕笙歌歇餘興還能過草堂

寄席上諸友

一病那堪兩鬢衰  
春風休負我連枝  
幾回搔首南窗下  
花落花開總不知

贈致仕林相公

九十仙翁兩鬢華  
高風虬杖稱烏紗  
賜歸贏得孤山月  
吟對寒梅萬樹花

挽管推官

仙舟一葉水悠悠  
魂返家林是首丘  
此去故人誰更在

青山掩泪掛吳鉤

送朱戶侯回

朝來車從訪郊垞  
水遠衡門竹更青  
一見不題凡鳥去  
分攜空過白湖亭

寄李友淵

病起誰知鬢已華  
却承清翰問貧家  
夜深不待君平卜  
空剔寒燈一點花

扇面小景

孤琴引興青山墅山月蒼蒼鳥聲曙高風一段不可攀  
從憶陶潛賦歸去

鏡湖清唱跋

國初吾郡詩人輩出十子而外復有二十餘家有傳有  
不傳實幸不幸也郭厘字敬夫湮沒二百餘年無有知  
者予近得抄本詩百十篇有挽鳴秋趙景哲之作而羅  
宗讓覺非集有和郭敬夫詩語云不知其人視其友敬  
夫實清世之隱君子也集中有送兄楚芳上春官楚芳

名蘭永樂三年鄉薦姓名見于郡志敬夫青鋪嶺絕句  
云家林想在空濛外一帶螺江隱翠微又有門前湖白  
與山青分攜空過白湖亭之句其所居當在白湖螺浦  
之間與鳴秋山人相隣並也予既錄其遺編併為考其  
地里付曹君能始授之梓敬夫之名從此弗至湮沒不  
亦厚幸矣乎崇禎庚午三山老叟徐煥興公撰

附陳艮詩

艮字從時長樂陽門山人洪武中以明經薦授吏部主

事因災異與同官蕭儀上封事下獄儀死獄中良謫交趾再上封事復官嘗校閱遼東衛兵陳軍衛四弊後因忤執政出判嚴陵舟行有大蛇隨之良謂蛇陰物必有婦人冤比到官果訊得情釋之人以為神明尤能以禮法齊家族諸分異讓其腴田自取葑瘠有古人之風邑後學鄭世威撰

閒居雜興

竹作屏藩草作廬清幽偏稱退休居力田自有資家策

學圃應多種樹書鴉噪園林梧葉暗蟲吟籬落荳花初  
高情不逐趨炎態一枕清風午夢餘

其二

水光山色共清妍自樂乾坤靜裏天用竹引泉通後圃  
因花開徑閱前川夜長明月從虧缺歲稔浮雲任變遷  
甕裏濁醪常不匱杖頭何用阿宣錢

其三

茹美魚鮮氣味新北窗窗下獨安神直鉤香餌聊為釣



曲突禾稗可當薪舌在無官難補過身閑有子豈憂貧  
杜門謝客紅塵絕竹外清風來故人

其四

獨倚欄杆引望長望中生意到林塘斑鳩喚雨黃梅熟  
紅鯉吹花錦浪香報主芳名留館閣思親孝悃在羹牆  
嘆予梁燕多相似去去來來為子忙

其五

家住榕溪溪水頭門前綠樹共清幽五更殘月他鄉夢

三逕高風故苑秋  
仇覽不妨淹雋武  
杜陵無復嘆離憂  
兒孫足慰余生樂  
一覺南柯萬慮休

其六

范蠡扁舟泛五湖  
何如陶令賦閒居  
平時羞覩梅枝瘦  
今日忻逢柳眼舒  
坐對簷花紅落盡  
閒敲棋子黑甜餘  
心田一點明如鏡  
萋稗無侵不用鋤

其七

門外青松手自栽  
時傳清吹枕邊來  
杜陵肌骨因詩瘦

陶令襟懷為酒開官去渾忘身外慮客來常覆掌中盃  
醉眠不覺天昏曉一任譙樓鼓角催

其八

雨過雲收萬象明一天霽色釀新晴柔桑葉盡吳蚕老  
躑躅花開蜀魄鳴竹影橫窗看月上松聲撼谷覺潮生  
人歸人去年華換惟有溪山不世情

石倉歷代詩選卷三百七十三

欽定四庫全書

石倉歷代詩選卷三百七十四

明 曹學佺 編

明詩次集八

王阜

題鄭公望南湖草堂

東風握手龍溪上三珠樹下頻來往北院紅荊醉裏看  
南湖碧草吟邊長羨君洒落才且奇向來羣從總能詩

雁行綵袖迎春早熊膽青燈覺曙遲松杉影動搖書幌  
蘭蕙香浮棲鶴帳風櫺月榻陪壯遊海樹江雲引遐望  
俄頃鵲原嘆別離薊門渺在天一涯山海有謠春斗粟  
庭階何日會連枝淒然姜被遙相憶一字平安萬金直  
出塞龍媒几馬空倚門鶴髮千峰夕獨慙為客江南湑  
舊業荒涼托故知桑梓幾回成遠夢梧桐三尺負幽期  
扁舟明日龍門道林下相看情更好親舍常稱九醞卮  
神京遊子歸來早

題林榮山水圖

晴山高且閒  
晴雲淡而白  
山似高人雲作衣  
人似門雲着  
山色山色青青常對門  
溪居渾似武陵源  
半潭林影花枝靜  
十里松聲地籟喧  
芝蘭猗猗香滿室  
麗澤南來有滋益  
青入湘簾山市春  
涼生書案芸香夕  
故人抱琴千里來  
白日軒兒無纖埃  
悠悠遠托知音賞  
莫使衡門掩綠苔

掬翠樓

永嘉山水妍達士美如玉高閣清且閒羣峯翠可掬天台雁蕩天際來遠近合踏青蓮開嵐光排闥臨書案黛影當筵落酒杯亭亭華蓋祥雲表九點晴煙斗山小遙窺羅幌入窗涼近映硯屏山嶂曉絃中古操振芳聲鏡裏脩眉巧畫成煙開黿背簾前碧雨洗螺鬟掌上青四時清勝如盤谷滿座高朋霽吟目中鳥同盟物外情房櫳不受人間俗川原曠野仍逶迤霞月朝昏映苧衣緬想林翁多雅趣倚欄長詠少陵詩

題李氏江湖雅趣卷

閩南李君清且奇雅趣未許傍人知  
九洲四海坐超忽  
三江五湖開渺瀰  
孤琴獨鶴閩南路  
萬里雙魚傳尺素  
鳥外殘霜七澤秋  
唼邊疎雨三湘暮  
天低劍閣雲滿身  
水接瞿塘月近津  
玉壘倚空山入楚  
錦江翻雪樹浮秦  
十年斗酒新豐市  
不作五陵遊子意  
八千驛路歸夢中  
百二關山醉鄉裏  
天津客舍臨洛城  
中州原野如掌平  
華嵩互應硯屏綠  
河洛爭涵書幌清  
漢江鴨綠變春酒



齊魯嵐光青未了白雁聲沈薊北春瓊花影落淮南曉  
錢塘江霽暮煙銷曾向吳門看夜潮天宇月明銀漢轉  
海門雷動玉山搖香爐峰前雙瀑布玉龍出峽蒼煙破  
五老雲霞載酒來九江雪浪揚帆過驅車暫駐臺江下  
沙合雨晴堪洗馬榕邊幾度共吟樽竹裏時同誦風雅  
九華山色翠屏開五馬潮頭畫舫回劣窮天風迎曉屐  
偃旗嵐影蘸春杯平生客寓江湖久雅趣由來世稀有  
明朝買棹整絲綸知作滄江釣鼇手

題山水小景

大山突兀氣勢豪小山羅列如湧濤迴峰逶迤接林麓  
白雲不動秋天高何人一棹山陰興三尺吟筇骨中淨  
金沙寶樹寒殿開瑤草玉枝秋閣迥迢迢嘉遁凌碧岑  
芳亭瀟洒似山陰呼童曉掃青苔逕拂石時橫綠綺琴  
高山流水多佳趣悠悠永托知音遇千齡鶴髮獨鳴皋  
半夜啼鳥思反哺高音古意揚清芬考槃不與人間聞  
老夫未遂幽棲志願借青山一片雲

題曾廷玉畫竹

曾郎未老清如竹，高節脩然出塵俗。  
風流堪繼王子猷，城居宛若山陰曲。  
道人清白掀脩眉，巾舄近托山中遊。  
錦胸吞吐嶰谷月，彩毫移得瀟湘秋。  
長枝瀟洒美如玉，密葉毵毵一庭綠。  
拂月翻疑翡翠巢，倚雲應借鴛鴦宿。  
虛心勁直凌雪霜，異態向背仍低昂。  
清風拂地玄鶴舞，太陰作雨蒼龍翔。  
初聞九疑湘水立，夜深瑤瑟英皇泣。  
何似高堂五月寒，數竿猶帶春煙濕。  
又聞老逋守湖州。

此筠價重珊瑚鉤當時必待蘇仙句星斗墮地天人愁  
多君詩畫愛奇絕筆下蛟龍出溟渤明日蒼江釣巨鰲  
長枝好拂扶桑日

題劉先主三顧草廬圖

火星匿輝三光翳當時妖鬼移神器中山華胄左將軍  
仗鉞西南伸大義南陽卧龍天下無枉駕三顧風雲趨  
草廬傾蓋君臣際魚水同心契合初大將荆益分三傑  
赤壁樓船煙燼滅漢中纘緒帝業成青史煌煌載功烈

關張龍虎皆殞身直似中原仗老臣木牛轉餉關中粟  
甲馬空思渭北塵渭兵十萬揚威武典午滑賊虎成鼠  
出師二表八陣圖耿耿孤忠照千古

落花嘆

落花嘆花昔開時春滿眼東隣西舍來看花秉燭夜遊  
作花伴韶光轉眼瞬息間殘粧憔悴無人管落花嘆嘆  
落花花今衰老無容華當時把翫勝珠玉今日拋棄成  
泥沙半飛半舞更展轉欲落未落猶迴斜落花嘆嘆花

落花怨東君情太薄收却園林錦綉機吹惹蓮臺綠羅  
幙蜂蝶無情竟不來桃李無言空寂寞

十六夜月

昨夜中秋節長空月更圓庾亮有情重對酒袁宏何事  
不回船碧波倒蘸山河影下上琉璃秋萬頃吳剛砍桂  
素娥驚玉兔銀蟾夢初醒玉宇瓊樓鏡裏開霓裳舞罷  
重徘徊三郎一去人間老水點煙中海似盃

早秋寄箬溪故人

海上金風洗殘暑溪邊黃葉飄四五故人教鐸天一涯  
迢遞千峰隔秋渚昔年膠漆桑梓間心比白鷗閒更閒  
一帆清興波間月千里離情海上山百壺鷄黍春風面  
幾度尊鱸憶鄉縣吟邊晚岫疊雲屏醉裏寒溪澄素練  
常懷太白對清樽也識希夷望白雲半簾潭影魚雙躍  
一枕松陰鶴不羣自慙流落臨江曲寂寞芸軒隔深竹  
遙待仙舟海上還論文共剪西窗燭

題妙峰上人寒翠軒

三山海上開萬木霜中悴化城亘古長如春寶樹千章  
鬱寒翠寒翠當軒曙氣新蒲團竹几無纖塵日迎雪竹  
影在地風送雨花香襲人玄峰上人抱高節見性明心  
坐超忽幾結三生石上緣十年獨飯山中蕨霹靂巖前  
舊逕深霜天朗月掛珠林窗前卧虎依禪寂鉢裏降龍  
聽梵音東房兀坐山中靜西竺傍通塵外境九陌春塵  
禮磬聲半空海色搖幡影天香滿室定初回遙指江南  
雪放梅鴉浴石池延拄錫鶴歸瀛海影浮盃野夫曾共



西樓宿竹外素煙茶已熟清風兩翼共談禪願作雙松  
在深谷

遊烏石山清冷臺

半夜金烏池上浴千年巨跡延芳躅俯視崇墉接遠郊  
下臨幽谷通天竺霜落樓前一徑開珠林迢遞遶蒼崖  
老衲遠迎天上使山童旋掃石邊苔九重使節青冥上  
千里四方皆一望螺女不煩江上流龍臺釣罷人何往  
東望石鼓西偃旂雁湖文筆同逶迤法雨忽從松際落

慶雲常傍日邊飛，纂修大典心常赤。  
東閣英髦有清適，牙籤錦軸燦珠璣。  
千軍筆陣蛟龍迹，老禪與我最相知。  
攜酒登臨會有期，旂旌影裏成三口。  
鐘磬聲中禮六時，劃然長嘯山人去。  
紫閣丹臺隔煙霧，寒翠軒中語別時。  
相思寄在梅花樹。

題高彥美山水圖

青山岑崑倚晴宇，茅堂恍惚山陰墅。  
花搖林影半潭春，松撼濤聲千嶂雨。  
鶴吟短策獨幽尋，寶樹金沙一逕深。

山童晝煮溪中雪老衲時聽竹下琴上方樓閣無塵隔  
露洗蓮花滿池白鐘聲五夜出巖扃幡影半空疑海色  
幾度孤琴伴往還三竿紅日掃松關猿聲綠樹山中靜  
鹿卧青苔石上閒達夫華胄愛山水嘉遯丘園亦如此  
庭前潭影清道心林下書聲滴人耳呼兒掃榻迎客來  
白日軒几無纖埃龐眉皓首花前醉碧水青山畫裏開  
野夫亦有山陰興江路長吟葛巾淨為愛江山如此圖  
閒看沙鷗水天永

九馬獵圖

開元神武開太平一箭功成六合清當時將相皆從獵  
昔日房星互降精一從射獵渭江上矯矯飛龍蹴溟漲  
九天雲引屬車塵九河水立迎仙仗仙仗崆峒閭苑東  
翠旆拂拂乘天風動搖五岳風雲合掃蕩千原鹿兔空  
將軍妙筆名天下人馬精神奪神化雲中紫燕氣成虹  
天上白龍光照夜漠漠風沙縞素開艷艷仙馭英雄才  
青驄玉面乘雲出玄兔飛黃踏月來鐵驪長鳴呼玳瑁

臙脂競出霜蹄碎走狗心馳夕照邊飛鷹志在層霄外  
乘興忽到蜀江西南苑淒涼六轡齊玉花榻上成春夢  
金粟堆前聞夜嘶野夫披圖三嘆息千年誰繼將軍筆  
恍如瑤水宴蟠桃五色雲中見真跡

題漁樵問答

我本漁樵三十載丘壑優游鬢毛改東溟巨漲已投竿  
南澗松枝更堪采忽見漁樵共畫圖逶迤列嶂闕澄湖  
松邊柯爛罷觀奕柳外舟行聞捕魚江陸相逢幽興發

劃然長嘯天地濶清晨礪斧千嶂雲薄暮收綸半潭月  
莫采谷口之青松明堂賴爾扶持功莫捕江心之赤鯉  
禹門變化來天風負薪入市歸來晚蓴菜羹香菰米飯  
五老峰前松月涼新婦磯頭柳風暖忽觀此畫三嘆息  
何處林泉可清適四時伐木歸去來一派滄江楚天碧  
百駿圖題楊大叅軸

昔聞天寶沙苑陽牧養千馬皆乘黃霜蹄汗血欲超忽  
龍髻鳳臆思騰驤青驪紫燕高突兀蘭筋虎紋皆滅沒

白魚弄影天上來玄兔生花月中出渴鳥合踏森隊行  
雪髻霧鬢仍低昂祥雲滿身五花爛長庚陸地雙瞳光  
將軍當年妙無敵曾向龍池揮霹靂飛出天街十二閒  
洗空騾牝三千匹恍疑太宗拳毛騶又訝汾陽獅子花  
同經百戰托生死一敵萬馬開風沙丹青流傳六百載  
美譽芳聲滿江海乾坤不廢少陵詩秋月華星吐光彩  
我公何年得此圖應知意匠絕代無羣龍恍惚駭人目  
可與八駿合馳驅太平海宇無征戰百萬龍媒滿淮甸

會見王良駕馭時春風立仗明光殿

題陳侍講伯父阜陽亭

海上藍田佳麗地山中喬木元龍裔  
龐眉皓首無俗情別墅危亭有清致  
野服黃冠薄世榮青氍講席獨橫經  
東臯迎旭房櫳淨南阜來薰枕簟清  
半池花影搖書幌十里松風度微爽  
鶴絃拂拭秋雨寒鳩杖逍遙暮天朗  
桑梓應傳聚德星芝蘭堪比謝家庭  
水迎垂釣拖寒練山引銜盃落翠屏  
丘園獨樂希前哲海岳清芬洒蘭室



簾捲鳴琴洞口泉窗涵金漆壺中月漁樵相見雙眼青  
鄉鄰共結泉石盟巖前白玉呼龍種堦下青苔借鹿行  
浮丘筆陣蛟龍走漫士雄詞滿人口百年心迹老巖扃  
半夜精光射牛斗俄頃雙鳬去莫追猿悲鶴怨遶書帷  
石上看雲成往事梁間落月引遐思一窗山水悠然在  
三鳳羽毛成五彩鵠原荆樹共風煙李也芳名滿江海  
詞源三峽如湧濤霄漢祥雲日色高殿前射策一枝桂  
堂上稱觴五色桃翰林侍講承恩早華表聯芳倚晴昊

葛巾何日掛三花  
白首歸來拾瑤草

送楊大之京

刺桐花開時雨香  
刺桐葉落秋風涼  
玉宇九秋佳麗景  
金城百雉東南疆  
千村萬落遠近郭  
長川大野合迴薄  
逶迤列島煙外開  
縹緲殘霞鳥邊落  
黛螺峰嶂滿眼青  
甲鱗洲渚如掌平  
江虹飲海水浩浩  
怒蛟挾雨秋冥冥  
神明太守昔鞭石  
百堵石梁千萬尺  
月浸驪潭一鑑秋  
雲迎雁塔千燈夕  
亭亭白蔗滋神漿  
漠漠黃雲九穗長

山中豹隱食藜藿海上鴻飛足稻粱芙蓉丹桂遠相映  
兒童竹馬迎楊震黃堂鶴髮拜文星寶匣龍泉斬妖蜚  
獨佐雄藩二十年海不揚波無瘴煙八郡崇勲世俱仰  
四知清譽人爭傳明當考績朝明主大纜高檣倚晴宇  
逸興遙乘萬里風離愁散作三山雨天官藻鑑擢英髦  
平生家國赤心知五雲闕下承恩日莫忘閩南送別時

題王彥恭山水圖

綠水通彭蠡青山近陸渾天機吳道子意趣李將軍野

寺依禪寂巖扉隔市氛竹搖三徑月柳蘸一溪雲萬頃  
鯨波淨千峰鳥道分書聲度深竹簾影捲香芸洗硯魚  
初躍橫琴鶴不羣何人訪高隱拂石畫迎薰

石倉歷代詩選卷三百七十四

欽定四庫全書

石倉歷代詩選卷三百七十五

明 曹學佺 編

明詩次集九

彭華

柳鶯為尹嗣昭題

柳絲不動江流緩  
雙鷺飛來秋日晚  
平沙漠漠點寒煙  
亂石離離立蒼蘚  
靜隨玉頂聽湍瀨  
飢引銀鉤啄清淺

霜衣雪襟誰匹儔逸態閒情自幽遠君不見燕銜泥朝  
來暮去傍人樓又不見鶯亂啼間關宛轉無休時豈如  
此鳥獨凝寂不與衆禽上下相追隨周公稱大聖振鷺  
載頌詩君子歛德容雅與物色宜尹侯家住大江西脩  
然自負冰霜姿潔白豈不與之齊為愛畫師林良者贈  
侯此畫真瀟灑堂上試令拂拭看彷彿清風白露寒

蘆下雁

颯颯秋風起蕭蕭蘆葉疎江禽宿江渚俛仰恒自如夙

性寡所營心閒貌亦舒如何路傍子哈爾食無魚

早朝

曉來高閣漏聲殘衛士初嚴虎豹關風颭龍旂迴日色  
雲移雉扇擁天顏衣冠趨拜金鑾殿劍珮分聯玉笋班  
快覩九重春欲徧願將春意到人間

送劉通判進香畢還任

鼎湖龍去未移時千里名香手自持松栢路瞻雲五色  
蓬萊宮覩日重熙感時極欲酬明聖還郡何曾惜別離



獨有竹林風月夜不堪回首重相思

十日發永州有感

百年役役居塵世此日迢迢走傳車  
跬步不離三尺法尋常還帶數編書  
也知天際浮雲薄好是山中梁木疎  
回首長安將萬里心旌時為一躊躇

送林太守元美致仕

太守平明獨上書東風解組賦歸與  
海邊舊種三珠樹門外新懸五馬車  
竹簟藤牀支枕後芒鞋布襪杖藜初

北辰回首高無極閒看浮雲自卷舒

三月朔登絕頂

躡衣飛步上山巔回首人間一惘然千里渺茫雲似水  
諸峰羅列樹連天風鳴石澗飛寒雨火伏丹爐裊篆煙  
何日歸休無一事閒身不惜訪羣仙

和答彥恭弟

自笑為人癖更癡不才真恐負明時朝回高枕從吾懶  
夢覺看雲正爾思春雨半酣桃浪濶秋風莫遣雁書遲

早來共聽簫韶奏不獨虞廷有一夔

送李進士元

上苑看花意未闌欣承恩詔賜歸還離筵巧對宮鶯醉  
遠棹斜迎乳燕閒捧日心懸霄漢上瞻雲興入翠微間  
到家應是無多暇又整朝衣謁聖顏

附王俱

字廷貴武進人  
所著有思軒稿

郊居寄張山人

相去無十里別來餘兩旬卜居猶恨遠會晤莫辭頻紅

葉經霜老黃花帶雨新東籬當此日應有白衣人

孟時寓臨安病中見寄

悵望江南道憑誰一問安養疴猶假館馳思每凭欄梅  
雨孤山暝松風六月寒無端更憂國耿耿寸心丹

東昌夜發

舟乘秋水發帆飽晚風飛岼近流螢度林深宿鳥歸農  
耕閒沃壤人語出柴扉北地驚寒早先時已授衣

宿沛縣泗亭驛

維舟當泗水涼雨洗炎蒸砧杵孤城月漁舟別浦燈客  
愁閒可遣鄉夢遠難憑千古龍飛地令人感廢興

舊隱

舊隱橫山下林塘數畝寬地卑車馬寂江近水雲寒  
勲業羞銅鏡心期拂釣竿欲歸歸未得歌罷不成歡

江學士東之僑居草亭

何處堪吟眺迥然江上亭水連天去碧山冒雨來青好  
鳥鳴相和閒花落自馨更闌宵燭起點點亂疎星

遊泰山

一峰高聳隘乾坤  
宇內名山此獨尊  
曙色凌晨開日觀  
嵐光經歲鎖天門  
遠疑雲霧人難到  
近若星辰手可捫  
七十二君封禪處  
空餘遺址蝕苔痕

宿靈巖寺

一逕深通萬壑間  
翠微深處著禪關  
人從上界空中語  
雲自前峰闕處還  
古殿有基松葉暗  
斷碑無字蘚痕斑  
偶因王事勞行役  
也得浮生半日閒

送同年繆尚質行人歸吳

憶從聯旆上京華已羨承恩兩過家  
祖席杯深浮竹葉故園春早見梅花  
馬頭驛路衝飛雪鳥影江天送落霞  
直欲因君寄鄉信來年我亦泛仙槎

雪中寫懷

小齋連日故人稀雪滿江城積尚飛  
花撲半窗銀作片光搖四座玉成圍  
怯寒似覺春猶早獻瑞何憂歲薦飢  
不似豪家多燕樂也須斟酒奉慈闈

暇日過天寧東院

碁局詩囊在處携  
投閒幾度過招提  
涼分半榻竹風細  
香散一簾花雨迷  
白石菴中曾讀易  
碧紗籠外更留題  
日斜又別高僧去  
笑指前溪作虎溪

除夕有感

去年除夕客金臺  
今夕江南予告回  
兩歲臘從愁裏過  
五更春入夢中來  
聲沈鼓角將殘漏  
淚滴屠蘇最後杯  
祇有梅花依舊好  
冒寒先放一枝開



秋來久與立之不會辱詩見寄

客途連日阻相從信是高踪未易逢  
深院柝聲常寂寂曲階花影自重重  
才因分定生來拙身為官閒老去慵  
擬向良宵賒月色清樽白下共移船

東臯草堂二首

明時何處著遺賢路入東臯地自偏  
十畝山田和玉種數椽茅屋帶雲編  
畫中詩類王摩詰物外仙同葛稚川  
西祀東封知未了佳音端合為誰傳

草堂不借浣花溪祇在荆溪溪水渚地僻境將心共遠  
山深雲與意俱遲采芝縱有飢堪療對竹應無俗可醫  
我亦平生愜真賞歸來已辦買山資

晚泊楊村

蔡村纔過又楊村近海河流似馬犇百里桑麻迷綠野  
幾家燈火伴黃昏水因東折成丁字人自南來類鳥言  
明月滿蓬清不寐戛然孤鶴奮高騫

過高郵湖

片帆輕颺晚風前秋水微茫遠接天十里敗荷初過雨  
一堤衰柳尚含煙沽來濁酒能盈缶買得鮮鱗喜就船  
醉後卻思秦國士還從漁父說當年

錫山施醫官彥清以詩見貺奉答

蓬萊未綴侍臣班浮世功名出處間老去俗塵終不染  
閒來幽事頗相關九重金闕身曾到百丈丹崖手亦攀  
別後可勝鄉國望白雲紅樹繞龍山

送戴文宏

名勝東南數會稽  
宦途應不憚驅馳  
地當山水俱佳處  
人到功名始遂時  
公事簡宜頻對酒  
客懷閒更好哦詩  
親交誼重君恩渥  
北望懸知有所思

雨中戲東沈禹玉

故人名重沈休文  
為問秋來瘦幾分  
山色捲簾猶可見  
雨聲敲枕不堪聞  
枯槩三百坐成隱  
美酒十千愁易醺  
客裏相逢須盡興  
莫教他日謾停雲

童太卿同年歸田

駟馬高車炫錦衣鄉人爭迓長卿歸壯遊自慶平生遂  
勇退誰云此計非白首論交偏耐晚清樽嗣會莫教稀  
城南山色如圖畫何日相携上翠微

同考官黃教諭廷經還汜水

雨餘秋色滿皇畿薦棘重圍掩夕扉為問捲簾燒燭處  
點頭曾復見朱衣

石倉歷代詩選卷三百七十五

欽定四庫全書

石倉歷代詩選卷三百七十六

明 曹學佺 編

明詩次集十

岳正

遊栢林寺

曉從招提遊同袍勝雲集中有緇衣流恐是遁遠匹儒  
釋偶相忘賓主情更密飯我蒲香饌坐我沈檀室相携

歷觀覽繼目了無極載登大雄殿俯瞰衆僧窟光輝互  
吞吐金碧委狼籍一區足衆巧富麗難具述撫此百感  
生徘徊以終日

秋潦有感

積潦未經日誰教水蟲遊薄暮積潦沍水蟲隨已休乃  
知造物者不獨于蜉蝣蟠桃三千年靈椿五百秋風霜  
既歷歷歲月亦悠悠自是由乘除舉世驚短脩遂令得  
失徒浪喜還浪愁達人觀大化委心任去留

感懷

黃金沽白酒買醉不買醒  
青春浪成老綠髮餘幾莖  
歷觀古今人誰許完好名  
相思復相念展轉難為情  
中夜耿無寐起坐待天明

春日雜興和陳宣之韻

嗟嗟荆山玉璞中美不揚  
何殊瓦與礫棄置官道傍  
一朝秦相國琢成龍鳳章  
沐浴獻天子千載仰餘光

其二



姣姣閨中女玉質世無竝却嫌脂粉惡反為顏色病况  
有蘭蕙心平生抱貞靜擇對嫁已晚卿家何日聘

其三

煮革能成膠剗樹乃成漆以膠投漆中不見有痕迹古  
人不可作古道不可述忍為纖纖徒熟路生荆棘

四皓圖

漢高騎馬鞭羣雄駕馭不到商山山中潛龍惜鱗甲肯  
與走狗同牢籠野雞宮中顏色老恩愛何人為最好戚

姬未珣惠統危鶴書急走商山道山中潛龍始一來楚  
歌楚舞雙徘徊撫圖令人長歎息歎息留侯真有才

題冬日聚禽圖

陰風吹天天欲裂混沌怕死方愁絕潛將元氣閉重淵  
化工倔强時偷泄附炎物態本尋常何怪衆禽爭向陽  
紅毛翠鬣莫指數醉眼僅識雙鴛鴦聲噤不聞鸚鵡語  
羽搖空見鷓鴣忙白頭翼翼營栖息黃口飛飛恣頡頏  
高岡梧桐結實未待爾招吾丹鳳凰

欽州命下太夫人宜有萬里之憂正以不孝跽  
謝太夫人慨然自慰且有義命之誠拜違之  
旦又戒家人以勿泣為送直沽舟中韻以記之  
臨別慈親意分明義割恩是非如可辯得喪豈須論在  
汝須安命諸孫足應門古來軻母訓何必勝斯言

小屋

小屋剛容我閒居怕見人蹉跎過半世疎散又三春性  
懶將成癖心安不覺貧廣堂雖可愛難得保天真

閒雲

閒雲不作雨天際  
恣悠揚變化隨風勢  
浮華借日光最  
宜真逸玩不慰老農望  
薄暮渾忘散依依綴月傍

小西湖

性僻耽山水  
莆陽不負吾林巒  
清欲滴城郭  
隱如無天險  
關形勝坤靈效  
畫圖亭臺粗點綴  
即是小西湖

桃源圖

小槳輕搖帆半斜  
仙山似有浮雲遮  
前溪後溪響流水

千樹萬樹開桃花圖畫已成晉故事風俗還是秦人家  
退之元亮不可問小立空庭謾自嗟

燕臺懷古

督亢陂荒蔓草生廣陽宮廢故垣平秋風易水人何在  
午夜蘆溝月自明召伯封疆經幾換荆卿事業尚虛名  
黃金不置高臺上似怪年來士價輕

夜雨呈同志

雨中燈火夜堂深無限閒愁損客心獻玉不逢經兩刖

屠龍學得破千金生逢鄧禹應相笑老學南陽祇謾吟  
滿目風塵雙短鬢為誰蕭索不勝簪

聞劉東周黃門歸自海外乞私印石

玉節凌風度尾閭洪濤幾犯雪山如島夷路犒羞魚饋  
國主郊迎服象輿歸索避嫌無薏苡遐荒諳俗有圖書  
滄洲文石堪鐫印乞取龍驤壓載餘

送齊經歷還嘉興

吳越風煙樵李偏逶迤綠水泛紅蓮誰能長揖諸侯幕

君更能兼闔府賢北闕朝紳歸未得南洲賓榻故長懸  
使君喜是吾鄉彥薦稿行看到日邊

賀楊宗器侍講

仙籍由來不易攀蓬萊高拱五雲間一朝拜舞承綸綍  
十載清華任往還夜直篝燈書日厯早朝簪筆侍天顏  
莫嫌寂寞羈英俊祇是顏郎鬢未斑

方氏貞節詩

太孺人某氏贈兵科給事中方君稜配四川參議

輔之母年十八歸方氏閱歲給事溺死參議其  
遺孤也孺人不辱其夫又成其子詩以詠之

結髮初成燕爾婚已將心事許深恩莖篋竟作憑河別  
精衛長銜渡海冤孟母教還成令子趙孤存不藉公孫  
高風千古清人骨貞節無慙號德門

天順元年七月十一日左遷欽州同知十四日  
出城親交無敢送者欽天監漏刻博士馬敬  
瞻遺詩一首宿張家灣舟中用韻



被罪承恩嶺外遊思鄉何處仲宣樓風霜萬里蠻荒夜  
煙雨三江澤國秋不信功名成夢覺早將身世等雲浮  
令人却羨桐江叟長擁羊裘把釣鉤

八月五日獄中作

只合栖遲隴畝間情同毛義偶為官謀身自信機心拙  
報國寧辭行路難尚想珮環趨北闕可堪縲紲繫南冠  
坐來簡點平生事談笑今朝死去安

遊盤谷有感

早聞盤谷序昌黎今日追遊信馬蹄  
河出孟門知地險山連王屋覺天低  
時當春暮花爭發路入林深鳥亂啼  
高處不堪頻眺望邊城猶未息征輦

遊崆峒山

古殿金容鎖閭寥斷碑多是記前朝  
桃源已覺茫無路蓬鬢誰能老不凋  
玄鶴幾年巢石竇翠華何日度仙橋  
鼎湖龍去仙蹤遠留與山僧避俗囂

重遊王母宮

綠鬢朱顏一樣妝  
侍兒誰是段安香  
仙家謾詫長春在  
祠宇重來比舊荒  
武帝豈知桃核異  
穆王空辦馬蹄忙  
煙霞不改回山色  
依舊蒼茫下夕陽

送定西蔣侯出鎮甘肅

重鎮雄藩最上游  
三邊西去是甘州  
封疆出塞猶千里  
人物中興第一流  
公暇含毫吟蟋蟀  
日長麾羽練貔貅  
涇陽部曲今猶在  
應說風流似祖侯

莆陽迎春

萬里飄風一逐臣，帝教重起牧吾民。  
非才媿竊天邊寵，病體難勝海上春。  
簫鼓暫同田舍樂，庖厨不減布衣貧。  
故園松菊應無恙，總辦芳心待主人。

南山登高和周太守韻

羅衣不怯曉寒侵，山寺追陪五馬臨。  
總是龍山遺俗會，須知雞黍故人心。  
歸田莫待桑榆晚，為客應慚歲月深。  
寄語西風休落帽，孟嘉頭已不勝簪。

送周廷粲起復知饒州

憶昔同探杏苑春相逢半是惜春人我歸仍守漁磯舊  
君去重分虎竹新贈別辭荒慚芍藥頌功心切讚麒麟  
番陽便是登仙路莫向湖頭再問津

送李行素封君携其子東陽編修茶陵訪祖

帝許南還著錦衣故山喬木坐增輝途從白馬湖邊過  
身與蒼龍闕暫違幾處聚觀元獻雋千年爭訝令威歸  
秋風肯念并州舊莫謂衡陽少雁飛

九日

雨中籬菊破輕黃  
風外金橙試遠香  
欲上龍山高處望  
不勝秋色逼重陽

送俞士栗歸南都

勝遊眼界隘寰區  
如意聲高缺唾壺  
聞道上林花最好  
又逢春色到皇都

扁舟東去背西風  
數幅輕帆一望中  
飛盡蘆花霜欲下  
帶將秋色過江東

靈槎明日渡江南  
天上風情想盡諳  
記得霓裳三兩調

等閒休便向人談

碧波晴映舞衣斑  
家住秦淮占一灣  
莫道紫芝隨處有  
鍾山元不是商山

花鳥圖

侍宴歸來簇絳雲  
夜深冷露透猩羃  
阿環喚醒紗厨夢  
閒拂菱花照宿醺

霜染平江翠欲飛  
波心夜半度靈妃  
可憐一掬蒼梧淚  
拭徧當年舊製衣

姑射仙人跨翠鸞  
風前環珮響珊珊  
玉簫吹徹江南意  
孤夢回時月正寒

題蘭

曾倚東風嗅國香  
星軺此日度沅湘  
于今客裏看圖畫  
搔首無言祇自傷

過東昌徐太守同年

二十年前杏苑春  
使君同是看花人  
一麾今日東昌守  
羞把文章謁後塵



莆陽郡齋觀物有感

野鹿將羔晚飲溪溪邊草樹路途迷  
童奴採與松花食  
只在吾家草屋西

石泓終日小魚遊雲起風生水更幽  
拋飯飼時爭出吸  
胡僧過說是靈湫

丁亥南山登高

又是登高第二回功名心事已全灰  
此時償却山靈債  
明日放歌歸去來

忽驚佳節是重陽  
旋買村醪旋撥忙  
爛醉已拚明日了  
任他人笑使君狂

題邢克寬太守梅花

美人家住古羅浮  
鐵石肝腸不解愁  
羌笛一聲清夢破  
也隨春色到蘇州

致仕後戲作

五十歸來謝世紛  
百年勞逸喜平分  
不應更受先生號  
去與青山管白雲

雲山到處供詩料  
花鳥隨時換樂歌  
若說不貪誰肯信  
世間聲色較偏多

雙燕

小堂新敞未為華  
雙燕頻來語似誇  
爾欲營巢無不可  
去年今日在誰家

寄袁永州

山不疑人人自疑  
蒼梧被枉已多時  
零陵召父經遊地  
莫向愚溪強賦詩

盛子昭畫

半世生涯落水鄉也曾輕犯橫波狂日西松影長千尺  
閒倚秋空數雁行



石倉歷代詩選卷三百七十六

欽定四庫全書

集部

石倉歷代詩選卷三百

七十七至  
八十一

詳校官編修<sub>臣</sub>謝振定

侍讀臣孫球覆勘

總校官進士臣朱 鈐

校對官檢討臣季學錦

謄錄監生臣朱 堦

欽定四庫全書

石倉歷代詩選卷三百七十七

明 曹學佺 編

明詩次集十一

朱純

夏人歌

儀狄遠兮禹德日彰  
禹澤涸兮醴酪洋洋  
舟楫敗兮沛難杭  
顧瞻亳邑兮懷樂邦

麥秀歌

周道蕩蕩行邁靡靡載瞻故都中心傷只麥漸漸兮黍  
油油宮室圯兮為荒墟叶誰為此禍兮狡童之尤

黃澤謠

皇人何之崑崙西皇人何樂黃之澤叶奔之以怡黃駒  
躋肆志八紘周轍跡叶祈招祈招止皇于怠教

煌煌京洛行

伊洛深且廣王畿奠其陽炎劉建丕業定都繼周王重



城抱宮觀迤邐遙相望嵯峨黃金闕璀璨白玉堂多士  
正駢集冠蓋如雲翔文英聚東觀耆德充上庠防邊盡  
衛霍定策皆平良垂拱正宸極淵穆詎可量宸遊布時  
令大駕馳上襄鸞與儼儀從佩服何煌煌緘書封泰岳  
潔壇祀圓方靈祇盡來格至和兆嘉祥甘露漿華滋朱  
草粲奇英雨暘順時序下民歌樂康玄德既昭晰至治  
孰與京纘承有賢嗣國運宜繁昌所以千載下奕奕垂  
休光

元夕同諸生遊城隍廟

樓閣卧龍顛良宵境更偏  
瓊崖明霽雪綵樹散春煙  
瑞氣連蓬島歡聲動市廛  
靈區真勝絕遊客競喧闐  
側逕攢珠履平坡散錦韉  
鼓鐘喧下界燈火燦中天  
風引仙韶遠花隨舞妓旋  
香雲同馥郁人月共嬋娟  
亂沸笙歌海高張錦繡筵  
千門同勝集四野樂豐年  
生意同羣卉妖氛淨八埏  
昇平端可頌會合況詞仙

觀燈

春色滿侯家金蓮夜吐花香膏融絳液細燼落金沙閃  
閃明珠箔熒熒映碧紗煙凝微作暈燄煖欲成霞綰結  
流蘇重續紛寶帶斜人看隘珠翠月出讓光華徧列雕  
闌護高張繡幄遮休言非勅送吟對亦堪誇

登赭山

湧出滄溟外孤高色更佳氣通丹穴霧光映赤城霞碧  
嶂橫遙漢紅泉落斷厓沙墩盡齧戶茆屋半漁家墜石  
藤還絡尖峰樹不遮林昏騰蜃氣浪捲露鯨牙烽起狼

煙直帆翻海舶斜  
平沙層作籀鹹土  
潤生花晚渡喧商  
旅巖城沸鼓笳  
獨行惟雁驚四顧  
盡蒹葭蓬島知何處  
鄉園望轉賒  
離心正欲絕霜角起嘔啞

賦段七娘次娛清先生韻

步窄倚嬌容霞裾拂地紅  
艷歌驚越女曼舞壓巴童  
衡柳籠朱閣湘桃燦綺櫳  
調人拋錦字揖客駐花驄  
翠顰鴉鬟重黃塗蝶粉濃  
簫聲清引鳳箏柱密排鴻  
篝煖沈檀火衣翻茉莉風  
金絲綃佩帶碧玉鏤脂筒  
臂冷新龍

釧肌香薄護幪詩留紅葉上曲度綵雲中長儗文鴛並  
寧愁繡幄空含嬌迎李白誓死逐韓馮思結丁香藥情  
絨荳蔻叢醉傳金錯落笑擷碧芡窮宴罷樓扃翠粧殘  
鏡掩銅帳羅垂掩冉漏板送丁東靄靄花凝霧離離月  
挂桐扇閒拋畫蝶簪滑褪青蟲重覆霞衾煖疑熏雪體  
融巫山妖夢斷雲雨濕衣纓

古宮怨

濃粧耀日羅幃曉鴉髻盤雲金鳳小脂光一面惱人紅

長恨海棠嬌艷少繡被重重覆錦茵麝臍龍惱香氤氲  
蜀絃新調作鶯語金蓮頻候羊車塵秋風吹散填河鵲  
深情竟負良宵約化作妖雲逐楚王金魚空鎖重門鑰

鳴雁篇

雖雖鳴雁肅肅羽衣翱翔下上鳴聲偕避寒就暖向南  
國雲多水濶秔稻肥朝遊滄江曲夕止清鏡渚沙鷄野  
鷺未許為匹仇叶不解傳尺素詎令充奠儀漂泊野逸  
疇能羈嗟彼孔鸞文彩陸離俯仰雕籠匪人則飢顧爾

鳴雁寧不慚羈縻雖鳴雁載飛天高海濶任所  
之長年不用憂羅網成湯新政為爾施

天馬歌

邑生陳天彛領鄉薦友人高貴琦贈以天馬歌因和之  
漢家炎德昭華夏靈瑞紛紜自天下既報丹泉產玉芝  
還聞渥水生神馬萬里梯航進獻來窮荒大漠風沙開  
虬紋鳳臆世希有四方爭覩真龍媒雄姿逸氣何颯沓  
虎豹怒震神靈懾蹴踏崑崙崙雲滿身飛揚瀚海永生鬣

君王曉起闔闔寒凭軒大閱開天顏圍官森立不敢近  
詔令拂拭歸天閑逸羣壓盡三千衆駑駘衮衮知何用  
飼秣寧論飽豆芻數張正倚登高頌玉鞍新被錦障泥  
振竦似嫌金絡羈紅光上噴精采動只欲變化隨龍飛  
平明校獵都門外羽林壯士金為鎧追風躡電萬騎從  
羸得天街沸人海吾皇重人不重物豈向遐方求駿骨  
既嗟周穆事荒淫仍悲漢武窮征伐高臺正為求賢開  
黃金白璧如山堆君才個儻況無匹早見飛騰躡上台



友人高貴琦嘗作問蒼菊詩予為代答

南薰播蕩來舜琴江村處處皆綠陰  
開花却喜值脩景托根况得依中林  
孤標挺挺同喬木密葉幽叢藹煙綠  
嫩蘂新裝淺淡金清肌瑩貼溫柔玉  
當知異品來仙府凡草那能比清楚  
半開臨砌復臨池亂吐宜晴更宜雨  
長嗟時菊太鮮妍却笑疎梅頗寒苦  
蘭蕙雖云抱國香中含哀怨成千古  
丰姿炯然冰雪如麗非妖艷清非癯  
莫言此色世間有正恐異香天下無  
昔年梵宇聊相寄

却嫌雲月多僧氣黃金布地非所榮幸有白蓮同臭味  
竭來移植向書寮灌溉栽培暮復朝芳心一點亦傾日  
祇緣顏色不似茱萸嬌從今永結林泉趣尚賴騷人屢  
相顧豈無周子愛蓮心正乏逋仙詠梅句名園嘉草多  
艷紅繁華嗜好人皆同歌扇纔拋海棠月舞衫又捲薔  
薇風茲晨清賞元非偶作詩遺問情何厚吟邊酒畔得  
從容一種幽情為君剖不願移栽向月宮瑤室徧開丹  
桂叢不願揚州比奇植瓊花亦是傾城色安得相携水

仙共踏明月波浮世塵氛奈爾何

吟舫為陳太常賦

先生不作蘇門嘯曾向皇家頌清廟一葉仙舟天上歸  
白首滄浪伴漁釣家住林逋舊宅東閒身逸跡寄孤蓬  
臨流自得淵明賦憂國還存杜老風長歌一曲聲激烈  
行雲為遲山石裂敲舷擊榜送悠揚水底魚龍識音節  
月思風情奈爾何鶴汀鳬渚徧經過錦囊不用奚奴抱  
載得珠璣百斛多江南野客才蕭索自愧耽詩久成癖

巴歌宣敢和陽春夜夜虹光望中隔

題枯木竹石

槎枒老樹根盤錯翠筠靜倚荆山璞奇材異寶世豈無  
却抱貞姿隱岩壑卞和不可作伶倫難再逢吁嗟世俗  
久聾聵高枝瑞鳳徒邕邕

雜詩

聖道載六籍文辭既昭宣云何千載下坐使聚訟紛斷  
輪應心手解牛奏若然傍觀徒駭愕至妙在不傳

其二

詩教貴溫柔平淡理自得紛紛媚學徒組綴間黃白夏  
韶閔希音齊竽聲正激輦俗詎易聰徒為師曠惜

其三

祥麟俟時出威鳳覽德輝在野詎非瑞奚用登天墀懷  
哉商山翁雲卧餐紫芝高風薄宇宙千載疇能追

其四

我愛越石父甘受縲紲羈道逢齊相國解驂與之歸入

門禮稍疎飄然起前辭丈夫貴知己貧賤胡足悲

其五

南山有佳木移栽玉堂陰既蒙陽和德蓊然欲成林托  
根未及固霜雪忽見侵無由返故土空懷歲寒心

其六

雲漢為天章昭昭麗蒼穹迴旋不暫息波流浩無窮大  
田正焦涸蘊隆復蟲蟲不慰渴望心高懸復何庸

其七

子房有奇志功高不自居晚從赤松遊竊笑淮陰愚煌煌漢家業終焉成霸圖神人固難遇授書非典謨

其八

美人處深閨佩服麗且溫自矜肌體香詎識荃與蘭遂令空谷士徒興過時歎

其九

浮雲起山澤靄靄敷重陰迴薄偏太虛膚寸即成霖飄風使之漓跡滅不可尋偉哉賢達士澤物固其心遭時

為卷舒陸沈詎無因誰言擊磬者不及南薰音

其十

麗哉仙人居鬱鬱青雲端霞宮抱桂館璀璨明瑤環上  
有三秀草復有翠琅玕食之可長生豈謂蘇痼瘵我嗤  
東方朔繆廁仙籍間既乏飡霞術空懷竊桃奸信知清  
都貴凡濁未易干何如處蓬室耕鑿心自安所以柴桑  
人盼柯足怡顏

鸚鵡美人圖



禽荒古云戒而況在閨人深宮復何事閉門閱芳晨  
皇周南化內政日以新行將執筐筥擷彼南澗蘋

登龕山

長江限吳越形勢一何雄夷島蒼茫外乾坤浩蕩中  
江連埋日霧汀暗走沙風忽起乘桴歎滄洲不可窮

九日登玩江橋

獨上驛南樓憑高散旅愁江山幾陳跡天地一浮漚  
且復簪黃菊何須歎白頭長歌少陵句詩思滿滄洲

登玩海樓

旭日動滄溟樓高曙色明  
煙霞千嶂合鐘鼓半空鳴  
天濶淮山迥雲連越樹平  
憑高屢回首不盡望鄉情

湖上

寥落暮天迥蒼茫湖水平  
秋雲開雁路涼雨靜蟬聲  
坐石忘收釣臨流愛濯纓  
自緣耽野趣不是為逃名

詠泉次唐人韻

詠美人咸識何須第品名  
蕩雲微有影流月浩無聲  
洞

宵源難測溪迴勢漸平莫教輕浣濯混此一泓清

花香

映日浮朱戶隨風逗碧閨蝶薰終日醉鶯倦一春迷淡  
愛爐煙續濃憐舞袖携不堪微雨過浣却燕巢泥

賦得鳳皇臺送高居豐之京

高臺寂寞鳳悠悠有客重來此地遊漢水直從天闕繞  
鐘山欲赴大江流英雄漫灑新亭淚雲樹猶含故壘愁  
壯志正宜鳴盛世聖人文教似西周

赤壁圖

三國英雄骨已枯誰將遺跡繪新圖  
波迴斷岸江聲遠露白遙空鶴影孤  
東望有山遮故壘南飛無樹託棲烏  
清風明月依然在却屬扁舟載酒徒

錢塘懷古

中原草木盡疑兵回首干戈滿汴京  
鳳駕遠巡愁雪擁龍樓高倚看潮生  
九重已遂偷安計孤將徒存誓死盟  
試問六陵何處是隔江封樹起秋聲

讀余忠宣公傳

羽書無路達深宮，力障孤城勢轉窮。  
卞壺一門甘死難，張巡十載凜英風。  
空期戎馬收江左，又見真龍起泗中。  
試看盡忠池上水，當年劒血尚流紅。

雪巢

歲寒聊遂一枝棲，回首塵寰久息機。  
鳴鳳謾誇阿閣穩，驚鳥空繞月林飛。  
梅花香暖春先透，松籟聲沈鶴未歸。  
幾夜展書當戶讀，六花光映薜蘿衣。

遊絲

紫陌遙看一縷微  
籠煙曳日轉依依  
不隨蛛網縈鈿盒  
肯逐鶯梭上錦機  
香冑落花低  
起蝶暖隨柔絮欲沾衣  
無由繫得東君駕  
空向春風上下飛

船燈

淮舟空說貫長虹  
驚見沈浮陸地中  
畫楫無聲搖月浪  
錦帆斜影掛炎風  
熒煌宜照楓橋泊  
灰燼難收赤壁功  
一路金蓮相映吐  
美人爭唱滿江紅

春詞

瑤瑟聲沈閉綠窗月明空  
吠隔花厖綵旂零落宜春字  
綃帳低迴照夜缸好夢每嫌鶯喚醒傷心況對燕飛雙  
奢雲艷雨情多少遠逐楊花渡楚江

搵衣

淡月流輝照綺櫳夜深砧韻起  
丁東芙蓉涼透羅衫露  
蘭麝香搖玉釧風淨拂并刀裁素練  
頻添挂火試熏籠  
征衣可寄情難寄聊託魚緘一紙通

題畫

閒隨白雲遊靜對白雲語只恐出山來白雲竟無主

怨詞

井上梧桐樹密葉何沈沈傷心昨夜月照見雙棲禽

滌場罷與隣翁飲酒樂甚効摩詰六言體賦詩

二首

桑柘萬家煙火郊原四散牛羊隣春起處斜月社飲歸

時夕陽



白髮人人藜杖黃花日日清樽倒  
着接羅歸去兒童一笑應門

天寶宮詞八首

共聽蟾宮第一歌宴酣其奈月明何  
禁門深鎖無人入却許銜花野鹿過

宮女新裝錦繡棚綵輿行處沸歡聲  
胡兒笑向盆中浴不弄金錢解弄兵

寵愛無過號與秦翠華何事遠遊巡  
城都總有花如錦

得似長生殿裏春

長安回首戰塵中  
羅綺繁華一夕空  
惟有溫泉舊時月  
遠隨車駕到扶風

長安胡騎正啾啾  
塵暗宮花粉黛愁  
鳳輦不知何處去  
野鳥啼月上延秋

賞月看燈樂未央  
忽驚輦鼓動漁陽  
太真若更思鮮荔  
飛騎于今幸蜀忙

落盡宮花輦路荒  
鑾輿西狩嶺雲長  
詞臣休望金鷄赦

蜀道艱難勝夜郎

玉環忍棄馬嵬坡  
南內歸來意若何  
落盡梧桐秋雨夜  
淒涼更比壽王多

四皓奕棋圖

一局殘棋尚未終  
白頭何事到青宮  
可應千里冥飛翼  
却墮留侯智網中

赤壁圖

赤壁當年苦戰爭  
曹公橫槊賦詩成  
橫江巨艦俄灰燼

留得孤蓬載月明

趙松雪畫馬

白髮王孫舊宋人  
汴宮回首已成塵  
傷心畏見北來騎  
何事臨池為寫真

附張燦

字蘊之  
嵯縣人

君子有所思行

騁駕向名都  
縱觀極西京  
煌煌九衢裏  
列第起朱甍  
虹梁駕層漢  
翬閣臨紫清  
高槐蔭金溝  
弱柳垂雕楹  
前揚

許史鑣後曳金張旌燕姬撫瑤瑟趙女彈鳴箏歡娛豈  
終極為樂擬千齡清川去悠悠白日光易傾金谷歎綠  
珠上蔡悲蒼鷹繁華會當歇大運有虧盈勿嗤黔婁室  
寂寞掩柴荆

壯士篇

壯士三尺劍思欲從沛公項籍婦人仁不足與成功乾  
坤動殺機慘淡闕蛇龍縱觀天下勢形勝惟關中據險  
臨諸侯孰敢當吾鋒古來豪傑士不識刀與弓良平真

壯夫籌畫在心胸樊灌鷹犬勞蕭何為發蹤君看帷幄裏實有萬夫雄

上彭使君

昭代興賢日科名早擅場諫垣曾抗疏藝苑舊摛章博洽經偏熟恢宏器莫量立朝推骨鯁為郡屬才良越上宜劉寵臺中失范滂雙旌辭絳闕一鑑照黃堂草映朱輪碧花迎皂蓋香專城勾踐國衣錦買臣鄉心捧天衢日威收柏府霜廉澄徹秋水愷悌藹春陽龔龔遂施為異

陽城撫字忙珪璋傳令望奎壁燦餘光麥秀雖歌瑞芝  
生耻奏祥未誇東海尹思繼潁川黃鴛序終超拔鴻聲  
遠播揚九重增眷注八邑遂耕桑凋瘵甦無跡疲瘥起  
有方漸磨同化育滌濯付安康巨海思舟楫巖廊選豫  
樟經綸終大展九域頌虞唐

愔公詩題遊春士女圖

睂黛彎新月瞳人剪碧波態濃娃館妓腰細楚宮娥緩  
踏金蓮步新翻白雪歌輕輦迷下蔡妙舞絕陽阿寢閣

珠為網粧樓錦作窩梨花香粉破柳穗鬱金拖瑟柱銷  
鸞鳳尊罍列象犧瑤釵橫玉燕繡帔研銀鵝小汗肌香  
膩微酣臉暈酡櫻唇朱滴滴鴉髻黑戔戔司馬憐琴癖  
周郎顧曲訛喜窺韓壽戶怒擲幼輿梭曉睡啼鶯喚春  
遊細馬馱安妃臨洛浦漢女出江沱拾翠煙堤蕙寧芳  
露渚荷畫船青雀舫綵騎玉蹄騶虢國輸粧靨羅敷避  
翠蛾使君逢調笑丞相近嗔呵絕艷方如此幽懷定若  
何琵琶勞問卜烏兔恐蹉跎睡鴨頻添火牽牛奈隔河



封緘書荳蔻密意托絲蘿錦被薰濃麝霞漿酌巨羅流  
蘇垂嫋娜蜀綺疊坡陀井樹棲烏鵲筠籠睡八哥更壺  
催漏箭火樹爛瓊柯的的緣思合濛濛與醉和曲屏嫌  
夜短斗帳得春多海誓寧教爽山盟詎有他兩情成比  
翼萬事付蠻蜩蘭帶同心綰菱盤照膽磨豈徒消夙恨  
頓覺起微疴畫裏腸猶斷桑中句厭哦始知傾國貌能  
作合歡魔麗玉埋馨地秋娘瘞粉坡至今游冶客猶有  
酹蓬科

深宮春日行

漢家飛樓凌紫煙盤空複道雲相連  
簫韶一聲落九天  
綵鳳驚起雙聯翩離宮三十六臺館  
百花叢裏迂遊輦  
柳色初迷太液池鶯聲正繞宜春苑  
美人如花舞娉婷  
手調朱絃彈玉箏內庭曲宴仙樂鳴  
歌曲共和昇平行  
六龍時巡出龍城還過崆峒尋廣成  
王母酌以瑤池九  
醞之霞觥三千綵女踏歌笑他日  
隨龍歸紫清

龍姑廟作神絃曲

香熏畫壁光如漆旋風吹旛海腥入龍姑佩馬夜鈴釘  
飛裊織翠蘭葉濕海童騎魚歸杳冥魚鬣鼓浪瑠璃聲  
鱗堂曲譙鼉鼓鳴燕酣喝潮潮倒行玉皇無勅催行雨  
淵都羣蛟眠貼尾廟下誰歌白石郎共賀雌龍產龍子

洞房曲

鴉雛夜宿迷濛柳斗帳燒燈蠟光透銀罌注酒芙蓉香  
金絲檀槽為君奏歌喉窸窣驚兒語象口吹香凝碧縷  
盤龍繡帶結同心牽惹巫雲隨峽雨歌聲未闌香未滅

曲屏生香暈眼顯小玉催鋪蜀錦衾紗窗影轉桐花月

春曉曲

濛濛碧柳垂輕煙露花千朵膳脂鮮東風無力飈羅幕  
曉閣香溫人正眠春眠更比春酣重情深每作相思夢  
間關黃鳥莫驚啼正是離人相見時海棠嬌多扶不起  
簾外日高花影移

吳宮怨

水殿新涼生白苧紫金鴛鴦錦雲裏吳王醉擁捧心人

七寶牀中嬌不起粉黛三千鎖別宮畫船相憶采芙蓉  
芙蓉未老白露濃館娃嫋嫋生西風

宮人斜

雷霆絕響山陵起三十六宮土花紫委環遺佩總成塵  
一抔黃土埋艷春蓬科栖煙竄狐鼠蕭颯酸風迷楚雨  
三更燐火作紗燈塚上嘸嘸話紅鬼

紫虛觀

紫峰壇上鶴成羣碧洞靈芝產石根雲引晝陰歸竹塢

水流春色出花源藥爐伏火仙留訣茶竈生煙客到門  
欲就上清傳寶籙未知何日謝塵喧

西溪晚步

空濶川原入望平晚來天色弄陰晴虹邊殘雨疎疎下  
鴉背斜陽閃閃明淺渚微波羣鷺浴斷堤高柳一蟬鳴  
行吟澤畔非憔悴漁父無勞詠濯纓

楊白花

輕盈楊白花風吹渡江去金屋閉重重莫鎖楊花住

婕妤春怨

太液柳垂絲  
昭陽花滿枝  
如何長信草  
獨是見君遲

金井怨

照井怨憔悴  
顧影空垂淚  
猶勝張麗華  
愴皇井中墜

明皇貴妃上馬圖

七寶粧鞍蜀錦堆  
黃門扶鞭踏紅埃  
君王只顧蛾眉笑  
末路誰知到馬嵬

宋徽廟畫蘭

御墨淋漓寫楚蘭披圖却憶政宣間  
分明一種湘纍怨  
萬里青城似武關

韓世忠湖上騎驢圖

神州難復舊山河散盡熊羆事  
講和驢背看來猶矍鑠  
朝廷誰說召廉頗

石倉歷代詩選卷三百七十七